



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum in æuo Angelorum cernatur prius & posterius. artic. 5. disput. 1.

[urn:nbn:de:hbz:466:1-73915](#)

Ad secundam. Ad secundam dicendum est, nomine lucis intelligi ipsumm Deum, qui est lux vera. Vnde filius dicitur esse lumen de lumine. Etenim sicut Deus dicitur habitare immortalitatem, quæ non est res diuersa ab ipso et Deo: ita dicitur habitare lucem, quæ ab eo res distincta non est. Vtrum autem si fidei contraria sententia. Gracorum afferunt, angelos ante res corporeas creatos fuisse, dicimus q. 61. vbi id disputat D. Thomas.

ARTICVLVS IV.

Vtrum eternitas differat à tempore.

DOCEST potissimum discrimen inter eternitatem & tempus esse, quod eternitas sit tota simul: tempus vero minimè. Reliqua quæ hoc loco dici poterant facilè intelligentur, tum ex dictis articulo 1. & 4. Physicorum: tum ex iis, quæ articulo sequente dicemus.

ARTICVLVS V.

Vtrum in ævo Angelorum cernatur prius & posteriorius.

DISPUTATIO I.

Examen unde istud via nique illus questione. **A**EVVM GRÆCÆ ējor dicitur, videturque vocabulum latinum deductum ex GRÆCO, ut mutato in duplex v. alterum consonans, & alterum vocale. Prima sua significacione periodum longam temporis, idemque quod sæculum significat, vt ex autoribus profanis constat. Vnde & coævus, & grandævus aliquis dicitur. Eldre etiam 3. cap. 2. habet, Cuius illa ab ævo est regibus resistent, & cap. 4. Maiestas & potestas auorum est apud te Domine. Translatur vero est ad significandam eternitatem, Ecclesiastici 18. Numerus diuinorum hominum centum anni, quasi gutta aquæ maris deputati sunt. & sicut calculus arena, sic exigui anni in die eui. Doctores vero, vt ab eternitate & tempore distinguenter durationem rerum, que corruptioni obnoxiae non sunt, eaque de causa finem non habent ad eam significandam usurparunt vocabulum ævi. Atque in hac significacione sumitur in proportione: quæ usurpatio non solum Scholasticorum est, sed etiam Augustini libro 83. questionum q. 72. vbi de ævo tamquam de re ab eternitate distincta loquens, ait: Inter quod & tempus hoc distat, quod ille stabile est, tempus autem mutabile: codemque modo ab aliis Patribus accipi solet.

Quod primo loco in hoc articulo disputandum occurrit, est: Utrum in ævo deitur prius & posteriorius. D. Bonaventura in 2. d. q. 3. partem affirmat amplius, dicens ævum, quod ad successionem attinet, medium locū tenere inter eternitatem & tempus. Eternitas namque neque in se, neque in esse diuino, cuius est duratio, successionem ullam, priusve ac posterioris habet, sed est tota simul. Tempus autem tam secundum se, quam ratione motus, cuius est duratio, successionem habet. Ex eum vero in se quidem, quæ duratio quedam est, successionem habet, priusve ac posterioris: esse tamen angelus, cuius est duratio, nullam successionem habet, sed est totum simul: quod haec similitudine explanat: vt enim inquit, in continuo egressu rivuli ex fonte, non solum egressus ipse continuus est, sed etiam aqua que

egreditur semper est alia, atque alia: at vero in egressu radij luminis à corpore lucido, quando re illustrata est in eadem distançia, egressus quidem atque inflexus corporis lucidi continuus est radius vero luminis, qui egreditur semper est idem: ita quod influxus, post primam irradiationem non est aliud, quam communicatio & conservatio eiusdem prossus luminis, quod primo à corpore lucente emanavit: ita in continuo egressu motus a causa effectrice, continuo egreditur alia atque alia pars motus, quia alia atque alia parte temporis durat: at vero in egressu angelis à Deo, a quo tam ut fiat, quam ut conservetur perpetuo pendor, influxus atque actio divina, qua illum conservat, est successiva: est tamen, quod illi perpetuo ea actione tribuit, est idem omnino ac totum simul.

Quare cum duratio angelis per horam sequentem consequatur influxum successuum, quo Deus successu conservat idem omnino esse illius: sic, ut duratio angelis per horam sequentem nondum sit, ac proinde sit diuersa ab ea quæ modo durat, idcirco in duratione angelis detur successio, sicut in conservatione datur: non vero in esse angelis, cuius est ea duratio. Hanc candem sententiam fecutus fuit Varro, vt referat Capreolus in 2. dist. 2. q. 2. in arg. contra quintam conclusionem. Eandem defendit Scorus, vt probabilem, ibidem qu. 1. tametsi propendere videatur in partem oppositam, quam eriam defendit.

Sententia horum Doctorum suaderi potest. Primo, quoniam fieri nequit, vt idem simul sit in actu, & in potentia comparatione eiusdem formæ indiuisibilis: sed angelus nunc est in potentia ut durat cras: quandoquidem potest nihilum redigi ante diem crastinum, eaque de causa non durare cras: est vero in actu durationis, quodam nunc habet: ergo duratio, qua durabit cras, non est eadem cum ea, qua nunc durat, quasi utraque sit una indiuisibilis carens partibus: in duratione ergo angelis datur successio.

Secundò, ad pleniorum intelligentiam huius rei licet argumentari. Actio, qua Deus sine intermissione cōfert esse angelo, eumque conseruat, habet partes, ita scilicet, ut alia parte actionis conseruet eum per primum diem, & alia per secundum: ergo esse quod ei confert, est aliud, atque aliud, ac proinde durationis talis esse erit alia atque alia. Consequientia patet, quia impossibile est esse partes in actione, quin dentur etiam partes in forma per actionem acquista, quæ partibus actionis respondeant. Antecedens vero probatur. Tum quod actione illa non sit in instanti, sed in tempore, ac proinde sit continua & diuisibilis in partes ad divisionem temporis: tum etiā quia posita tota actione, ponitur omnino effectus: cum actione autem primi dici stat, angelum secundo die non esse, vt patet, si in nihilum redigatur post continuatam actionem toto primo die: ergo actione primi diei non est tota actione, qua Deus confert esse angelo duobus continuis diebus, sed pars dumtaxat illius totius actionis.

Tertiò, duratione angelis est infinita à parte posteriori: si ergo tota sit simul, dabatur aliquid creatum infinitum actu, quod fieri nequit.

Confirmatur hæc ratio, quoniam angelus per suam durationem potest coexistere infinito tempori à parte posteriori: si ergo illa est tota simul, sequitur esse actu infinitam. Consequentia patet, quia quemadmodum id, quod potest simul coexistere infinito spatio, est infinitum per immensitatem: ita duratione tota simul, quæ potest coexistere infinito tempori, erit actu infinita.

Quartò, In eo, quod habet suum esse atque durationem simul, idem est esse, fuisse, atque futurum esse:

esse: sed implicat contradictionem angelum, qui fuit, non fuisse: si ergo in eodem angelo idem est fuisse, atque futurum esse, implicabit contradictionem angelum non fore, quod tamen est absurdum, pugnatque cum Dei omnipotencia, quae potest eum redigere in nihilum.

Quint.

Quinto, si duratio angelii esset tota simul sine ratione prioris & posterioris, vna duratio angelii non esset maior, quam alia: si ergo Deus crearet hodie vnum angelum, angelii creati in principio mundi non essent majoris durationis, aut priores durationes angelio hodie creato, quod tamē est absurdum.

Sext.

Sexto, creet Deus duos angelos in primo instanti huius horae, & alterius eorum redigat in nihilum in fine horae, simulque producat alium, qui duret cum angelio remanente per aliam horam: tunc duratio angelii in nihilum redacti, fuit prior duratione angelii creati in secunda hora, cum vna duratio fuerit post aliam: sed duratio angelii conseruati per duas horas, fuit in prima hora simul cum duratione angelii in nihilum redacti: ergo duratio illa fuit etiam prior duratione angelii creati in secunda hora. Pater consequentia, quia si duas durationes sunt simul, & vna eorum est prior, quam quādam tercia, duratio alia erit etiam prior, quam eadem tercia: cum ergo idem angelus duraverit etiam simul in secunda hora cum angelio creato in secunda hora: sit, ut in duratione angelii conseruati per duas horas detur aliquid secundum quod duravit prius, quam angelus creatus in secunda hora, & aliquid aliud secundum quod duravit simul cum illo: idem namque secundum idem non potest esse prius & simul comparatione eiusdem: quare in duratione angelii conseruati necessariō successio partium admittenda erit.

Septim.

Septimo, quod deficit à duratione, quam potest habere, non habet totam suam durationem simul: quandoquidē potuit plus durare: sed angelus per subtractionē diuini influxus deficerre potest à duratione: ergo non habet totam durationem simul.

Octau.

Octauo, sublato omni tempore, & omni comparatione temporis tam veri quam imaginarij, potuit unus angelus esse innocens, & postea peccare: ergo sublato omni tempore datur in ipsa duratione angelii prius & posterius, in quibus posset esse prius influs, & postea peccator, ac proinde in duratione angelii datur successio.

Nonn.

Nono, si angelus dureat per horā, & in nihilum verneretur, iterumque post aliam horam producetur, duratio angelii prima & tercia hora, esset successiva: quādoquidē esset interrupta per horā intermedium, in qua non durasset, duratioque in prima hora esset prior duratione eiusdem angelii in tercia hora: ergo si continuē duraret per tres horas, esset etiam successio in duabus horis extremis.

Sunt præterea pro hac sententia testimonia sanctorum Patrum. Augustinus enim in confessionionem cap. 14. ait: *Præsens, si semper esset præsens, neque in præteritum transire, iam non esset tempus sed eternitas;* quo loco aperte innuit, in sola æternitate non dari successionem præsensis, præteriti & futuri: datur ergo in aucto. Gregorius 27. moralium cap. 3. loquens de angelis dicit, *In eis initium cernimus, cum mentem retro reuocamus: Deus non recipit ex quo, neque quo usque.* Anselmus etiam Proslogion 20. capite, loquens cum Deo ait: *An hoc quoque modo transire omnia etiam eterna, quia tua, & illorum eternitas tota tibi præsens est, cum illa nondum habeant de sua eternitate quod venturum est,* sicut iam non habent quod præteritum est? Hieronymus quoque ad Marcellam,

A in omni, inquit, creatura differt præteritum & futurum: quia solus Deus est, qui non novit fuisse, neque futurum esse: in duratione igitur Angelii datur fuisse, atque futurum esse.

Contraria sententia, etiam nempe durationem esse indivisiabilem, ac totam simul, est D. Thomas in hoc loco, & quodlibet 10. artic. 4. ac alibi, Caetani hoc loco, Henrici quodlibet 5. q. 13. Capreoli in 2. d. 2. qu. 2. conclusione 5. Durandi ibidem q. 3: Richardi etiam artic. 1. quest. 3. in eamque inclinat Scotus magis, quam in oppositam, eadem d. q. 1. atque ut communior & longè probabilius est nobis amplectenda.

Probari autem potest. Primo, quoniam ut hoc loco argumentatur Diuus Thomas, prius & posterius, successio arque innovatio in duratione proueniunt ex successione, innovatione, ac prioritate & posterioritate in eo, vnde proximè resultat, & cuius proximè est duratio: ex eo namque in tempore hæc omnia reperiuntur, quia prius reperiuntur in motu, ex quo tempus resultat, & cuius proximè est duratio, ut Aristoteles 4. Physicorum capite 12. est autor: sed in esse angelii, vnde resultat etiam, & cuius proximè est duratio, non cernitur prius & posterius, successio ac innovatio: ergo neque in eato ipso.

Secundo ita argumentatur Caetanus, esse angelii est indivisiibile: ergo etiam etiam; quod illius est duratio arque mensura. Consequens pater, quoniam mensura, ut Aristoteles ait 10. Metaphysicorum textu 2. *metiendo rem, quam metitur, notam reddit:* divisibilis autem, ut propriæ metri nequit rem indivisiibilem, ita neque illam notam facere potest: quantitas quippe specierum in sacramento altaris, neque metitur, neque notam facit quantitatem Christi, quæ sub illis est: ed quod Christus sit sub illis indivisiibiliter.

Tertio ita argumentor, sicut in hora sequenti duratio angelii consequitur esse, quod angelus influxu, & cōseruatione divina tunc recipiet: ita potentia angelii, v. g. intellectu, & voluntate, consequuntur idem esse, quod runc recipiet: ut enim siccesserit modò ex actio non erit duratio angelii per horam sequentem, ita neque superstites erunt ipsius potentiae: sed hoc non obstante, potentia consequuntur esse angelii in hora sequenti eadē numero, imò eadē profutus, quæ anteā erant: ergo duratio consequetur etiam eadem numero, atque eadem profutus quæ anteā erat. Confirmatur hæc ratio, quoniam sicut duratio angelii per horā sequentem pendet ex conseruatione & continuatione actionis, qua Deus confert esse angelio: ita ipsummet esse angelii pendet ex conseruatione & continuatione eiusdem actionis: cessante namque ea actione, ut cessat duratio angelii, ita cessat esse angelii: sed hoc non obstante, angelus per illam actionem recipit in hora sequenti idem esse cum eo, quod modò recipit, vt patentes autores contrarie opinionis: ergo recipere etiam poterit eadem durationem.

Quarto, Actio ipsa, qua Deus confert esse & conseruat angelum per legum tempus, est vna numero indivisiibili carens partibus & tota simul: ergo duratio angelii per idem tempus, quæ consequitur eandē actionem, erit etiam vna numero indivisiibili carens partibus & tota simul, sicut est ipsummet esse angelii, quod per eam recipitur. Consequens videtur notari namque in duratione angelii esset ponenda successio, maximè propter successionem actionis, qua Deus confert illi esse alio, atque alio tempore. Antecedens vero probatur, quoniam

quoniam cùm actio sit productio termini, sìntq[ue]a
vina & eadem res, solumque formaliter distinguantur,
singi nequeunt partes, arque successio in actione,
qui etiam datur in ipso actionis termino: cùm
ergo in esse angelii per longum tempus non dentur
partes, aut successio: fit, vt neg: datur in ipsa actione,
sed potius per influxum eiusdem indiuisibilis
actionis, qua primò contulit illi esse, cùm conseruet,
illique conferat illud idem esse tōto decursu tem-
poris, quod primo illi contulit, idque eo ipso, quod
ab indiuisibili influxu & actione, qua primò coepit
illi conferre esse, non desiter, nec eam suspendat.

Quintò, Accidens absolutum non definit esse, B
nisi vel per definitione subiecti, vel per subtractionem
influxus causæ conferuantis, vel per actionem
contraria: duratio verò augeri est accidentis abso-
luti, & neque subiectum definit, neque influxus
causæ conferuant, quin potius eadem numero
actio indiuisibilis, qua primò ei esse collatum
est, perseverat, vt proximè probatum est, neque est
actio contraria, qua destruitur aut definat esse: er-
go in tōto decursu temporis neque fluit, neq[ue] de-
finet, sed eadem prorsus perseverabit. Confirmatur,
quia si desineret, & alia duratio, aut pars durationis
succederet, hæc alia pars produceretur, aut
cōproducetur, alia actione, aut alia pars actionis
ab ea, qua prior pars producebatur, aut com-
producebatur; accidens enim absolutum propterā
non resultat, nisi facta variatione aliqua in subie-
cto, quoniam opus est aliqua actione, qua vel pro-
ducatur, vel cōproducatur in eo subiecto: sed
non datur alia actio, aut pars actionis, ab ea, quæ
antea erat, vt probatum est: ergo neque datur in
subiecto alia duratio, aut pars durationis ab ea,
qua anteā erat. Præterea Plato in Timœo ita fuisse,
& fore, tempore geniture sunt propria, non aut: eni-
quippe manū perpetua & immutabilis. Aug. etiam lib.
83: Questionum, quæst. 72. inter aūum, inquit, &
tempus hoc distat, quod aūum stabile est, tempus aūem
mutabile.

Vt hæc sententia pleniū intelligatur, meliusque
dissoluantur argumenta in confirmationem con-
trarie proposita, notandum est. Quod quemad-
modum sol eadem prorsus luce, qua lucet in se
ipso modo, lux heri, & lucebit crassatamē quod,
lucet per eam modum, pender ex eo, quod conser-
vetur modo, tum à substantia solis, à qua fluit, &
in qua, vt in proprio subiecto inhæret, tum à Deo
conseruat substantiam solis, arque ipsammet luce-
cem per concutsum vniuersalem, & quod luxerit
heri, pendit ex eo, quod eadem cause conser-
uerint eamē lucem in sole heri: & quod debeat
lucere cras, pender ex eo, quod eamē cras con-
seruare debent: ita angelus eadem prorsus duratione,
qua durat nunc in se ipso, durauit heri, & dur-
abit cras, atque in æternum: atamen quod per eam
duret modum, pender ex eo, quod esse ipsius atque
duratio conseruentur nunc à Deo: quod durauit
heri, ex eo, quod heri conseruata fuerint: quod
duret cras, atque in æternum pender ex eo, quod
cras, & in æternum conseruari debebunt. Vt enim
angelus indifferens est de se, vt coexistat huic vel
illi parti temporis: quod verò coexistat huic potius,
quam alijs, habet ex eo, quod creetur & conser-
vetur à Deo potius in hac parte temporis, quam
in alia: ita duratio ipsius ex se indifferens est, vt
si duratio angelii in hac, vel in illa parte tempo-
ris: quod verò per eam angelus duret potius in
hac parte temporis, quam in alia, habet ex eo, quod
ad productionem & conseruationem angelii illa

A comproducatur & conseruetur potius in hac par-
te temporis, quam in alia. Quare sicut sol in primo
instanti, quo cōditus est, accepit totam lucem, qua
ab eo instanti usque ad instantis præsens splenduit,
arque splendebit in æternum, si nihil ei luminis in
æternum diuina potentia augeatur: attamen quod
per eam tota ea duratio splendet, habet ex eo,
quod tota ea, modo paulò antè explicato, conser-
uetur: ita angelus in instanti, quo creatus est, accepit
totam atque indiuisibilem durationem, qua dura-
uit à principio mundi, & perdurabit in æternum;
attamen, quod duret per eam toto eo tempore ve-
ro, vel imaginario, & quod per eam eidem tempo-
ri coexistat, habet ex conseruatione qua à Deo to-
to eo tempore conservatur. Ad hunc ergo sensum
dicimus durationem angelii esse totam simul, quod
non alia atque alia duratione, aut alia atque alia
parte eiusdem durationis, perdurabit angelus in
æternum, sed eadem prorsus indiuisibili, qua mo-
do duret, dependenter tamen à libra conserua-
tionis diuina pro tempore futuro.

Ex his licet intelligere, tum conuenientiam
quamdam, tum etiam lacum quoddam discrimen,
maximeque in proposito inter aūum & æternita-
tem, obseruandum. Conuenientia est, quod quemad-
modum æternitas successuē habet relationem
simil existentia cum alia atque alia parte tempo-
ris (quæ coexistentia diuina addit supra existen-
tiā, vt articulo 1. disputatiōne 2. explicatum est)
ratione cuius relationis de Deo verè dicimus, fui-
se, esse, & fore, id est, coexistit cum tempore præ-
terito, coexistere cum tempore presente, habitu-
rumque coexistentiam cum tempore futuro: ita
aūum successuē habet relationem simul existen-
tia cum tempore, ratione cuius dicimus, Angelus
fuisse, id est, habuisse coexistentiam cum tempore
præterito: & esse, id est, habere coexistentiam cum
tempore præsenti: & futurum esse, id est, habitu-
rum coexistentiam cum tempore futuro: quoniam
verò antequam heret, eā non habuit, eō quod tunc
nondum haberet existentiam & durationem, falsum
est dicere, Angelum fuisse, antequam crearetur.

Dicimen verò est, quod æternitas ex se ac ne-
cessari habet esse simul, coexistere cum omni
tempore, etiā possibili imaginatio, idque tum pro-
pter independentiam æternitatis ab alio: tum vel
maxime propter suam infinitam perfectionem, qua
tamquam fons & origo omnis alterius durationis,
quam habet eminenter, unité in se continet latitu-
dinem durationis infinitam, vt articulo 1. disputatiōne
4. explicatum est, qua omne tempus com-
plectitur. At verò aūum, cū hī duratio pendens
à productione, & conseruatione diuina, neque in
se, eo modo quo æternitas eminenter cōinet tem-
pus, non habet esse simul, coexistere cum tem-
pore, nisi ex productione & conseruatione diuina,
qua tali vel tali tempore producitur & conser-
vatur: neque habet coexistere cum maiori vel mino-
ri tempore, nisi ex continuatione conseruationis
per maius vel minus tempus: quare de se non ha-
bet latitudinem durationis, sed habet quod duret
tanto vel tanto tempore, propterā quod non defi-
nit esse, sed continuetur conservatio ipsius toto eo
tempore. Quod fit, vt ex eo quod substantiale Deo
suum influxum, Angelus definit esse, prouenire
possit, quod non coexistat cum tempore futuro,
arque adeò quod non si tempore futuro. Non ergo
ad hunc sensum habet modum Angelus totam
durationem, qua duratur est in æternum, quasi il-
la unité habeat modum latitudinem durationis infi-
nitam.

Conuenientia
inter aūum
& æternita-
tem.

Aūi ab æter-
nitate dixer-
it.

nitat in futurum, ac sit in se infinita: sed ad hunc sensum, quod per nihil durationis superadditum durabit in æternum, sed per eam solum quā modō habet, conseruata tamen in æternum, quod tempori non conuenit: indiget namque nouis partibus durationis superadditis, ut diutius duret. Ratio autem quare tempus requirat nouas partes, ut dureat diutius: duratio vero Angeli ut duret, ac coëxistat cum maiore vel minore tempore, eas non requirat, est: quoniam tempus ratione motus est suapte natura duratio successiva: duratio vero Angeli ratione esse Angeli permanentis, est suapte natura duratio permanens.

Ad primum argumentum contraria opinionem.

Ad primum ergo argumentum contrariae opinionis neganda est maior. Sicut enim nullum est incommode, quod aliquid diuersis temporibus sit in actu, & in potentia comparatione eiusdem formæ: ita nullum est absurdum, quod aliquid simul sit in actu & in potentia comparatione eiusdem formæ ad diuersa tempora relata. Etenim si ego integra aliqua hora immotus sedeam, utique eadem numero sessione omnino inuariata sedebot tota hora, & tamen in quolibet instanti simul ero in actu sessionis comparatione eiusdem instantis, & in potentia ad sedendum & non sedendum comparatione aliorum sequentium: quippe cum in potestate mea sit surgere, vel continuare sessionem. Quo loco sciendum est, argumentum illud eodem modo posse confici in esse Angeli, quod autores contrariae opinionis admittunt esse indiuisibile, ac totum simul, idemque proflus toto tempore: quare sicut in esse Angeli non concludit esse aliud ac aliud alio atque alio tempore, ita nec in duratione Angeli quicquam concludet.

Ad secundū.

Ad secundum negandum est antecedens, ut ex dictis patet. Ad primam probationem dicendum est, esse temporalem quo ad durationē, & quod duret per tempus: esse tamen momentaneam, qua ratione in quocunque instanti illius temporis, & est tota, & per eam terminus productus accipit totū suum esse: vnde quando interficitur, ergo est continua & diuisibilis in partes ad diuisiōnem temporis, neganda est consequentia. Ut enim ex eo, quod humanus animus sit in corpore quanto & continuo, non sequitur, quod sit quantus, & diuisibilis in partes ad diuisiōnem corporis, & quod in se sit indiuisibilis, totūque in toto, & totus, qualibet parte corporis: ita cū actio, de qua est sermo, in se sit indiuisibilis, tamen coëxistat cum toto tempore, & tota cum singulis illius partibus, non sequetur esse quantum, aut diuisibilem ex eo, quod duret per tempus. Ad secundam probationem dicendum est, posita tota actione, ponit omnino effectum, quo ad tem productam: neque enim ex eo, quod actio illa duret per secundum diem, plus Angelus producitur, quam sit primo die productum. Quare confessio minore, neganda est consequentia. Posset etiam responderi, posita tota actione, ponit omnino effectum, si tota actio ponatur omnino: vnde si actio ponatur durans, & conseruata per aliquor dies, Angelus per eam productus ponetur etiam durans & conseruatus per totidem eosdemque dies: qualis enim fuerit modus in actione comparatione temporis, cum quo tam ipsa quam effectus dicitur coëxistere, talis etiam erit in effectu, collatione facta cum eodem tempore.

Ad tertium.

Ad tertium dicendum est, durationem Angelii esse infinitam ex parte posteriori negatiū, quia scilicet numquam desinet in infinitum, sed perpetuo relatione coëxistentiæ cum quocumque tem-

pore habebit: nō vero esse infinitam positivè, quasi in se habeat latitudinem duratiū. Vt enī albedo spatio centum annorum permanens non est maior secundum se, quā si esset unius tantū diei quo ad durationem, cū tamen habeat coëxistentiam cum tempore centū annorum, quam non haberet albedo unius diei: ita duratio Angeli in æternum permanens non est maior secundum se, quā si tantū per diem permaneat, sed solum vi conseruationis diuinæ haberet coëxistentiam cum tempore infinito, quā non haberet, si tantū per diem conserueretur. Quia ergo ævum non durat alia atque alia parte, sed perseverat totum ac indiuisibile, planè ex eo, quod ponatur futurum in æternum totum simul, non sequitur esse infinitum, vel sequeretur tempus futurum infinitum, si in æternum duraret, ed quod alia atque alia parte, priorem posteriore subseciente, perseveraret.

Ad confirmationem neganda est consequentia. Ad probationem vero dicendum est, in duratione Angeli non esse virtutem ad coëxistentium simul cum infinita duratione & latitudine temporis, sed ad coëxistentium successiū, ut successiū fuerit tempus. Ad correspondendum namque simul infinita latitudini habenti partes extra partes, necessaria est virtus & essentia infinita: non vero ad correspondendum successiū: Angelus enim esse potest successiū in spatio infinito, cū tamen habeat essentiam & virtutem finitam.

Ad quartum neganda est maior: licet enim per idem esse, & per eam mutationem in se ipso, sit, fuerit, & futurus sit: atamen fusile, præter durationem, dicit simul existentia cum tempore præterito: esse vero cum præsente: & fore, cum tempore futuro: quia ergo repugnat modō id, quod habuit simul existentiam cum tempore præterito, eam non habuisse: non vero repugnat id, quod ex libera voluntate Dei eam adhuc debet habere, re ipsa eam non habere, Deo ante illud tempus talem rem in nihilum redacti, qui habet coëxistentiam, sive esse, simul cum longiori tempore: coëxistentiam vero cum longiori tempore ex eo prouenire, quod tam ipse Angelus, quā eius duratione longiori tempore à Deo conseruantur. Ad argumentum ergo in forma, neganda esset consequentia, si sit sermo de maiori duratione collatione facta cum tempore.

Ad quintum dicendum est, vnam durationem Angelii non esse maiorem alia, si secundum se ipsas spectent: quippe cum indiuisibilis sint in se: vnum tamen Angelum permanere diutius, quā alium, collatione facta cum tempore vero vel imaginario, cum quo talis duratio coëxistit: ille namque Angelus diutius durat, qui habet coëxistentiam, sive esse, simul cum longiori tempore: coëxistentiam vero cum longiori tempore ex eo prouenire, quod tam ipse Angelus, quā eius duratione longiori tempore à Deo conseruantur. Ad argumentum ergo in forma, neganda esset consequentia, si sit sermo de maiori duratione collatione facta cum tempore.

Ad sextum argumentum, si aliquid probaret, probaret etiam in æternitate diuinæ, quæ coëxistit cum illis duobus Angelis, dari prius & posterius: quare vni in æternitate nihil concludit, ita neque in ævo. Vnde admissa hypothesi, dicendum est, durationem angelii in nihilum redacti esse priorem duratione angelii creati in secunda hora, ratione tamen temporis atque collatione facta cum tempore, cum quo coëxistunt: quia enim vna duratio coëxistit cum prima hora dumtaxat, & altera cum secunda, vna est prior quam alia: quare argumentum solū probat, durationem Angelii durantis in vtraque hora, ut durat in prima, esse priorem duratione Angelii.

Angeli creati in secunda hora: vt verò durat in seunda, esse simul cum illa: vtrumque tamen verum est ratione temporum, cum quibus coëxistunt, & in quibus conseruatur, atque collatione facta cum eodem tempore: nullum autem est absurdum, quod aliquod indivisibile, cuiusmodi est Angelus, coëxistens cum duabus horis, & cum singulis partibus ipsarum, vt coëxistit cum prima hora, sit prius alio, quod coëxistit cum secunda hora: vt verò coëxistit cum secunda, sit simul cum illo: quemadmodū non est incommodū, quod ipsi sumeret, vt coëxistit cum prima hora, sit prius seipso, vt coëxistit cum secunda, si tamē cum tempore conferatur: eo quod prius coëxistit cum prima hora, quam cum secunda.

Ad septimum neganda est maior, si cestet ab eadem numero duratione habenda in alio tempore, vt de Angelo dicimus: & ad probationem illam in oppositum: potuit diutius durare, ergo non habet totam durationem simul: concessio antecedente, si cum tempore fiat comparatio, ita vt sit sensus, quod potuerit durare per longius tempus, neganda est consequentia: quia per conservationem eiusdem prorsus durationis, quam modò habet, duraret per longius tempus, cum quo coëxisteret: vnde per solam substantiationem conservationis durationis, quam modò habet, definit durare per longius tempus: non verò ex eo, quod impediatur à suscipienda noua parte durationis, ad quam sit in potentia.

Ad octauum negandum est antecedente: quoniam nisi Angelus duret, & conseretur per tempus verum aut imaginarium, non potest esse bonus & malus: cum enim non possit esse simul bonus & malus, necessarium placet, vt id habeat diuersorum temporis punctorum comparatione. Quemadmodum enim Deus (quicquid alij dicant) non potest producere Angelum, nisi eum alicubi producat, hoc est, in aliquo puncto, aut parte spaciij veri, vel imaginarij: ita neque potest eum producere, nisi coëxistentem cum aliquo momento vel parte temporis veri, vel imaginarij: in ipso igitur aut, atque duratione Angelii, vt coëxistit, ac correspondet vni puncto, aut parti temporis, potest esse prius bonus, & vt coëxistit & correspondet alteri, potest esse postea malus.

Ad nonum dicendum est, si eum Angelum reproducat Deus cum eadem prorsus duratione quam antea habebat, non fore successionem durationum in prima & tercia hora: sed eandem prorsus in alia, atque alia hora temporis successivi, sine coëxistentia, aut simul existentia, cum tempore intermedio: si verò eum reproducat cum alia numero duratione (quod, si libuerit, facere poterit) concessio antecedente, neganda est consequentia: quia si per tres horas sine intermissione duraret, duraret eadem prorsus duratione.

Ad testimonium Augustini dicendum est, illud intelligendum esse de aeternitate, vt tam diuinam, quam participantiam, quale est auum, complectitur: solum enim nützt Augustinus ostendere, tempus esse successuum. Dicatum quoque Gregorij verum esse collatione facta cum tempore: quo pacto in Angelis reperimus initium, in Deo verò minimè. Angelum verò id est afflere Angelum nondum habere de sua aeternitate quod futurum est, quia vt in posterum permaneat, opus est, vt tunc ei conferatur duratio, quae nondum pro illo temporis puncto ei confertur, potestque non confiri Deo subtrahente influxum, vt explicatum est: non verò quod putet, cum non debere existere tunc per eandem durationem, quia in modo exiit, si in posterum coëseretur. Ideo etiam

Molina in D.Thom.

B A diec Angelum iam non habere de sua aeternitate, quod præteritum est, quia licet modò habeat eamdem durationem, quam antea habebat, modò non confertur ei pro tempore præterito, sed pro hoc præsenti: vnde si antea non esset ei collata, sed tantum conferretur in præsenti, vt re vera confertur, in nullo præteriti temporis momento extitisset. Hæc autem longè aliena sunt ab aeternitate diuina: ex modo enim existendi, quem nunc habet in seipso, habet, vt ita coëxistat cum omni tempore, vt dari tempus cum quo pon coëxistat, omnino repugnet: eo quod complectatur omne tempus, & vnitè habeat latitudinem durationum infinitam. Ad testimonianum illud ex D.Hieron. adductum solet responderi, id intelligenti esse, quo ad aliquid, quia in omni re creata datur aliquid, de qua aliquid verum est dicere, fuit, & non est, & aliquid de quo aliquando verum est dicere, erit, & non est: vt de aliqua intellectione Angelii verum est dicere, fuit, & non est, & de aliqua, erit, & non est: in Deo autem nihil est formaliter, quod non sit aeternum. Posset etiam eodem modo exponi, quo D. Anselmum interpretati sumus.

D I S P U T A T I O I I.

Vtrum præter aeternitatem, auum, & tempus, dentur alia durationes?

DIUS Thomas affirmat. Hoc enim loco in response ad primum, inferius q.63. artic. 3. quodlibet 2. artic. 5. & quodlibet 10. articulo 9. assert, plures operationes immanentes Angelii, vt plures intellectiones, quarum una succedit alteri, durare tempore discreti: singulis verò durare instantis temporis discreti. Cum enim intellectio aliqua Angelii, continuata, v.g. per horas nostri temporis, sit in se indivisibilis, & tota simul, perinde atque substantia Angelii, habebit sanè in se ipsa durationem indivisibilem, & totam simul, qua formaliter duret, vt habet substantia Angelii: huiuscemodi autem duratio alterius rationis est à duratione substantia Angelii: eo quod haec suapte natura destruitur nequeat, sicut & ipsa substantia Angelii, cuius est duratio: illa verò suapte natura definit esse una cum intellectione, cuius est duratio. Quia ergo definit esse, & secundum se est indivisibilis, non immerito appellatur duratio instantanea, licet coëxistat cum tempore nostro. Quia etiam ex pluribus eiusmodi durationibus diuersarum operationum, quarum una succedit alteri, coalescit una quoddammodo integræ duratio, que appellatur tempus discretum, in quo cernitur prius & posterior ac successio, esse-ctum est, vt vnaquaque eiusmodi durationum appellaretur instans temporis discreti, ad differentiam instantis nostri temporis, quod per se continuum est. Cum D. Thomas in parte consentiunt Durandus in 2.d.2.q.4. Henricus quodlibet 12. q.8. Capreolus in 2.d.2.q.2.conclusio 3. & 5. Caietanus hic, & alij.

F Hoc etiam loco in response ad 1. & art. 3. precedente 3. contra gentes c. 61. & in 4.d.49.q.1.art. 2. questione 3. distinguunt D.Thom. ab omnibus durationibus numeratis aeternitatem participata, que sit duratio visionis beatissimæ, tam hominum, quam angelorum. Quare autem constitui soleat huiusmodi duratio distincta à reliquis, mox subiciemus.

Scotus in 2. d. 2. q. 4. in ea est sententia, vt dicat nullam aliam durationem constitutam esse præter aeternitatem, auum, & tempus. Et in 4.d.49.

D.Thomas
de tempore
discreti &
stantie.

Aeternitas
participata,
quid ex sen-
tentia Dini
Thoma.

Scotus
præter aet-
ernitatem, &
uum. Et tem-
pus, nullam
admitit du-
rationem.